

捕蛇者说

柳宗元

永州之野产异蛇、黑质而白章、

黑体白文。

触草木尽死。以啮人、无御之者。

异蛇最毒。

然得而腊^昔、

之以为饵、可以已大风、挛^恋、

跰^渊、

渊上声。

痿漏、

疒、

赖、

去死肌、

杀三虫。

腊、干肉也。饵、药饵也。已、止也。挛、曲脚不能伸也。痿、颈肿。疒、恶创。死肌、如痈疽之腐烂者。三虫、三尸之虫也。○毒蛇、偏为要药。

其始太医以王命聚之、

岁赋其二、

两次。

募有能捕之者、当其租入、永之人争奔走焉。

叙捕蛇事。

有蒋氏

者、专其利三世矣。

入题。

问之、则曰、吾祖死于是、吾父死于是、今吾

嗣为之十二年、几死者数^朔矣。言之貌若甚戚者。

摹泰山妇、伏结处。

余悲之。且曰、

若毒之乎。余将告于莅事者、更若役、复若赋、则何如。

若、汝也。言改汝捕蛇之役、复汝输租之赋、以免其死。

蒋

氏大戚、汪然出涕曰、君将哀而生之乎、则吾斯役之不幸、未若复吾

赋不幸之甚也。

犯死捕蛇、乃以为幸。更役复赋、反以为不幸。此岂人之情哉、必有甚不得已者耳。

向吾不为斯役、则久已病矣。

提一句、起下文。

直贯至捕蛇
独存句。

自吾氏三世居是乡、积于今六十岁矣。而乡邻之生日蹙、殫其地

之出、竭其庐之入、

赋敛之苦。

号呼而转徙、饥渴而顿踣。

同仆、○迫于
赋敛而徙。

触风雨、犯

寒暑、呼嘘毒疠、

利、

往往而死者、相藉谢也。

疠、疫气。藉、枕藉也。○劳于迁徙
而死。○写得惨毒。是一幅流民图。

曩与

吾祖居者、今其室、十无一焉。与吾父居者、今其室、十无二三焉。

与吾居十二年者、今其室、十无四五焉。

应前三
世。

非死则徙尔、而吾以捕蛇

独存。

二句收上转
下、有力。

悍吏之来吾乡、叫嚣乎东西、隳灰、突乎南北、哗然而骇者、

虽鸡狗不得宁焉。

追呼之扰、
所不忍言。

吾恂恂而起、视其缶、而吾蛇尚存、则弛始、然

而卧、

蛇存放
心。

谨食嗣、之、时而献焉。

小心养食、俟其时之
所需、而献上焉。

退而甘食其土之有、以尽

吾齿。

退而甘食其土地之所产、以尽其天年。
摹拟自得光景、真情真语、大有笔趣。

○盖一岁之犯死者二焉。其余则熙熙而乐、

岂若吾乡邻之旦旦有是哉。

言吾犯蛇毒而死者、一岁只有两次。非
若吾乡邻遭悍吏之毒、无日不犯死也。

今虽死乎此、比吾乡邻

之死、则已后矣、又安敢毒邪。

今吾虽终死于斯役、比吾乡邻被重赋而死者、已在后矣。安敢怨其为毒、而不为此。○此段正明斯役之不幸、未若复赋不幸之甚二句。情态曲尽、而一段无聊之

意、溢于言表。

余闻而愈悲。孔子曰、苛政猛于虎也。吾尝疑乎是。今以蒋氏观

之、犹信。

檀弓、孔子过泰山侧、有妇人哭于墓而哀。夫子式而听之、使子贡问之曰、子之哭也、一似重有忧者。而曰然、昔者吾舅死于虎、吾夫又死焉、今吾子又死焉。夫子曰、何为不去也。曰、无苛政。夫子曰、小子识之、苛政猛于虎也。

呜呼、孰知赋敛之毒、有甚是蛇者乎。

一句结出。

故为之说、以俟夫观人风者

得焉。

此小文耳、却有许大议论。必先得孔子苛政猛于虎一句、然后有一篇之意。前后起伏抑扬、含无限悲伤悽惋之态。若转以上闻、所谓言之者无罪、闻之者足以戒、真有用之文。